

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» սեպտեմբերի 2013թ.

N \_\_\_\_ -Ն

**ՈՐՈՇՈՒՄ**

**ԱՆՏՈՆ ՔՈՉԻՆՅԱՆԻ ԱՆՎԱՍԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ**

Հաշվի առնելով Հայաստանի Հանրապետության վարչապետի 2013թ. մարտի 26-ի հ. 233-Ա որոշմամբ ստեղծված՝ պետական, կուսակցական գործիչ Անտոն Քոչինյանի 100-ամյակը նշելու հոբելյանական հանձնաժողովի առաջարկությունը և ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 23-րդ կետի դրույթներով, Հայաստանի Հանրապետության կառավարության 2005 թվականի ղեկտեմբերի 29-ի հ. 2387-Ն որոշմամբ հաստատված կարգի 4-րդ կետով՝

Երևան քաղաքի ավագանին որոշում է.

1. Երևանի Նոր Նորք վարչական շրջանի Հ. Թևոսյան փողոցի շարունակությունը կազմող և Երևանի քաղաքապետի 08.04.2002թ. հ. 564 որոշմամբ Ա. Քոչինյան փողոց անվանակոչված «Մայակ» թաղամասին հարող հատվածը վերանվանել Հ. Թևոսյան փողոց:

2. Անվանակոչել Երևանի Կենտրոն վարչական շրջանում Արամի փողոցից սկսվող Տերյան փողոցի շարունակություն հանդիսացող փողոցը մինչև Ամիրյան փողոցից սկսվող Զաքյան փողոց՝ պետական, կուսակցական գործիչ Անտոն Քոչինյանի անունով:

## ՏԵՂԵԿԱՆՔ – ՀԻՄՆԱՎՈՐՈՒՄ

### «ԱՆՏՈՆ ՔՈՉԻՆՅԱՆԻ ԱՆՎԱՄԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Անտոն Քոչինյանը ծնվել է 1913թ. Լոռու մարզի Վահագնի գյուղում:  
Ավարտել է Երևանի Կոմունիստական գյուղատնտեսական դպրոցը: Աշխատել է  
որպես լրագրող, ապա՝ խմբագիր: Եղել է ՀԼԿԵՄ ԿԿ առաջին քարտուղար /1939-1941/:  
Անտոն Քոչինյանն ավելի քան 13 տարի աշխատել է որպես նախարարների  
/Մինստրների/ խորհրդի նախագահ: Անտոն Քոչինյանի պաշտոնավարության  
ժամանակ սկսեց կառուցվել Արփա-Սևան ջրատարը: Երևանում մետրոպոլիտեն  
կառուցելու նախաձեռնությունը պատկանում է Անտոն Քոչինյանին. այն հետո կյանքի  
կոչեց Կարեն Դեմիրճյանը: Յակով Չարոբյանի /ՀԿԿ ԿԿ առաջին քարտուղար/  
ստորագրության հետ ատոմային էլեկտրակայանի կառուցման որոշման տակ դրված  
է նաև Անտոն Քոչինյանի ստորագրությունը:  
53-ամյա Մինիստրների խորհրդի նախագահը, որը 13 տարի ղեկավարել էր  
գործադիր իշխանությունը, 1966-ին դարձավ ՀԿԿ կենտկոմի առաջին քարտուղար և  
մինչև 1974թ. ղեկավարեց Հայաստանը: Նրա պաշտոնավարման օրոք էր, որ  
կառուցվեց Եղեռնի հուշարձանը:  
Անտոն Քոչինյանը վախճանվել է 1989թ.:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## ՏԵՂԵԿԱՆՔ

**«ԱՆՏՈՆ ՔՈՉԻՆՅԱՆԻ ԱՆՎԱՄԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ»  
ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ  
ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ  
ՄԱՍԻՆ**

«Անտոն Քոչինյանի անվամբ փողոց անվանակոչելու մասին» որոշման նախագծի ընդունման կապակցությամբ Երևանի բյուջեում լրացումներ և/կամ փոփոխություններ կատարելու անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ

**«ԱՆՏՈՆ ՔՈՉԻՆՅԱՆԻ ԱՆՎԱՄԲ ՓՈՂՈՑ ԱՆՎԱՆԱԿՈՉԵԼՈՒ ՄԱՍԻՆ»  
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ  
ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ  
ԿԱՏԱՐԵԼՈՒ ՄԱՍԻՆ**

«Անտոն Քոչինյանի անվամբ փողոց անվանակոչելու մասին» որոշման նախագծի ընդունման կապակցությամբ այլ իրավական ակտերում լրացումներ և/կամ փոփոխություններ կատարելու անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**